

EBANGKELIO ER A JESUS KRISTO





NGERA EBANGKELIO ER A JESUS KRISTO?

A ebangkelio er a Jesus Kristo a uldesuel a Demad ra Babeluades el kirel a deureng ma **osobelir*** a rengelekel. Ng okedongall el kmo ng ebangkelio er a Jesus Kristo ele **Tngakireng** ra Jesus Kristo a sel kot el klou a ultutelel er a chelsel tial uldasu. Me ngokiu tial Uldesuel, ea Demad ra Babeluades a uldureklii a Ngelekel, el Jesus Kristo, el mera beluulechad el mo olisechakl er kid el kiei el ungil a klengar er kid e ngara deureng e mo nguu a diak a ulebengelel el deureng er a uriul er tial klengar. Me ngokiu a **kerasia** ma klechubechub ra Jesus Kristo, eng sebechem el mo klickiid ra klengit meng mo ungil a rengum e leng mededae a uldesuem. Ng sebechem el mo klickiid e mo kiei lobengkel a Chedam ra Babeluades ra uriul er tial klengar.

Ng kirem el mo medengei e otirakl aikal osisechakl ma ruoll er a ebangkelio, meng mo sebechem el nguu tial budech ma klisiich. A osisechakl a klemarang el sebeched el ousbech er ngii er tial kelngar; ea **chedaol ruoll** a chedaol, el meketmokl lokiu a ngerachel ra priesthood el ngii a rael el mo soiseb er a **telbiil** el obengkel a Demad er a Babeluades. A kot el osisechakl er a ebangkelio a klaumerang er a Jesus Kristo ma ouchel reng ra kngtid. A kot el chedaol ruoll er a ebangkelio a **techolb e chelid** me a ngeul a Chedaol Reng.

A uriul er a obo modengei e bo moltirakl aikal kot el osisechakl ma ruoll er a ebangkelio, e ke mo siik e oltirakl a okesiul a Kristo er a klengar er kau. Tial melemolem el ngara klaumerang a okedongall el kmo “outekangel el mo ra ulebongel.”

Kau a sebechem el oltirakl ra ebangkelio ra Jesus Kristo el okiu a:

- *Omeliisich er a klaumerang er kau er a Jesus Kristo.*
- *Ouuchel a rengum.*
- *Metecholb e nguu a Chedaol Reng.*
- *Outekangel el mo ra ulebongel.*

*A tekoil el llechukl ra bekerekard a ulecholt a belkul ra llel a babier 18 ma 19.

KLAUMERANG ER A JESUS KRISTO.

A klaumerang a mesisiich el doumerang el odbechii a chad el mo ouedikel. A klaumerang el ngii a ngoikid el monguu a klausubes er a klengit a ultuil er a Jesus Kristo, el Tngakireng er ngii a uchul eng mo sebechel morngii tial klausubes. A Klaumerang er a Jesus Kristo a diak el di doumerang er Ngii el merkong. Ng belkul a

kmo ke oumerang er Ngii el kmo ng Ngelekel a Dios el Ngii a mlo chuarm el kirel a kngtim, ringel, ma secher. Ng belkul a kmo ke meruul el oltirakl er a ikal moumerang. A klaumerang er a Jesus Kristo a mo ngoikau el mo oubeltik el reng el mo er Ngii, oumerang er Ngii, e mengull a rokui el llechul.

“Moumerang er a Rubak loba rengum el rokir; e lak multuill er a di klemedengei er kau.

“Me a rokui el moruul e bo er ngii, e ngii a mo mekrolau.”

Osisechakl 3:5–6.

OUUCHEL RENG


A klaumerang er a Jesus Kristo a rullau el mo soam el mo melodech er a

klengar rekau el mo ungil. Sel mosuub er a ebangkelio, e ke mo metebengii el kmo ngarngii a kngtim, malechub e ngarngii obla moruul el ngii omtok er a urungulel ma osisecheklel a Dios. Me ngokiu a ouchel reng, e ke mo ngmodech aikal uldasou, soam a rengum, blekerdelem, ma omerellem el ngii omtok er a osisecheklel a Dios. Ngii a mla iaksok el kmo sel bo mouchel a rengum, e Ngii a mo ousubes a kngtim. Sel mouchel e kau a mo: **Mtebengar** el kmo ke mla ruebet ra klengit e mo mekngit a rengum el kirel aikal obla moruul.

Mterob omoruul el ngii a cheleuid, e molasem el diak e mluut el mo meruul.

Mouchais a kngtim el mora Rubak e molengit a klausubes. Omoruul el uaisei eng moiit a berraod el ngar kau. Alsekum me





ke rirelii a mekngit el kirel a ta ra chad, eng kirem el dirrek el mo olengit a klausubes er ngii.

Sumechokl el mo ungil. Ke mo er aikel kot el tkul rebab el sebechem el mo remuul el mo ungil aikel tellemall el dilubech loku omerellem.

Moltirakl a llach. Omoltirakl a llechul a Dios ea klisichel ebangkelio a morngii er a klengar er kau. A ebangkelio a mo meskau a klisichem me ke mo cheroid ra kngtim. Otirekkel a llach a uldimukl er ngii omesiou, ousubes ra rebebil, e ngara lkelesia.

Mo Kongei er a Osobel. Sel kot el klou a ultutelel tebedechel ouchel reng sel bo a modengei el kmo Jesus Kritso a uchul eng sebechel morngii a klausubes. Sel bebil e ke locha mlo melechesuar el kmo a Dios a diak el bo lousubes a meklou el tellemall. Engdi Osobel a mlo chouarm el kirel a kngtid me bol sebechel mo cheroid er kid, tia dirrek el mo ra meklou el tellemall. A olchotel a meral ouchel reng er a klengit a klausubes, budech, ongelaod, ma deureng.

A ouuchel reng a diak el kmal belkul a kmo ng kired el di merech el obult. Ng bai blechoel kired el mo melisiich er kid el mo oltirakl a urungulel a Dios. A dmolech el ouuchel reng a diak el dil mereched el merkid; me bol klou a rengum er chelechal molasem el ngara llemalt e mo meklemlalt a cheleuid el ngii a duubech el okiu omerellem. Me sel bo mouuchel, e kau a mo melchesuar a rengum el mo mengodech. E kau a mo diak el soam el meruul a klengit. E kau a mo medengei el kmo ke ngelekel a Dios meng diak a belkul blechoel

*Ke de rokui el di mo meruul a eleuid el tekoï.
Sel bebil ra taem eng di kid el tomellid e tomelleterir a rebebil e mo diak el sebechel el di kid e sumechokl el mo ungil. Ke de tomall a tekoï el diak el sebeched el di kid el sumechokl. Eng mo mengesang ra uldesued, ke de mo merur, e mo chuarm, e diak el sebeched el di kid el omekungil er kid. Sel omekungil el klisichel a Tngakireng a sebechel sumechokl a diak el sebeched el remuul.*

diomelekl el meruul osisiu el eleuid el tekoi. A klemeriar reng er kau el mo oltirakl er a Dios a di meral el mo klou e mesisiich.

TECHOLB E CHELID MA CHEDAOL RENG

A klaumerang er a Jesus Kristo ma ouchel reng a kudmeklau el mora techolb e chelid e mo nguu a Chedaol Reng. A Jesus Kristo a olisechakl el kmo a rokui el chad a kirir el mo metecholb ra ralm ma Reng (el Chedaol Reng) el kirel a ngebetel, ma klausubes, e ra klengit. Me ngokiu a techolb e chelid el meketmokl ra urekodel er a deruchall ra priesthood ma okiu a ngeiul a Chedaol Reng, e kau a mo mechell el beches.

Ngera Uchul Meng Kirek el Mo Metecholb?

A Jesus Kristo a milskid okesiu meng mlo metecholb el mo “oltaut a rokui el ngii a klemerang” (Mateus 3:15). Sel ometcholb, e ke mo nguu a ngebetel a kngtim (mesa Rrellir a Reapostol 2:38). Ke mo meruul a telbiil, malechub eng iaksok, lobengkel a Dios: ke iaksok el mo nguu a Jesus Kristo el mo Osebelem, e mo oltirakl er Ngii, e mo oltirakl a Llechul. Asekum ke remuul a ngerchelem, ea Demam ra Babeluades a iaksok el mo ousubes a kngtim. Sel ometcholb el okiu a meral obang a deruchall, ea kngtim a mo mechoit.

“Jesus a dilu el kmo, meng uaisei, e ak kmu er kau el kmo, ng di le mereko chad a bol mechell ra ralm ma Reng, eng diak el sebechel mo soiseb ra rengedel a Dios.”

Johanes 3:5

A techolb e chelid a uldimukl er ngii a moduleb ra ralm. Tiakid a osisiu el teletael el blorngii a Jeus Kristo ra le metecholb. A techolb e chelid el moduled a chedaol el belkul a kodall, medakl, ma Okiis ra Kodall er a Jesus Kristo; ng okesiul a mechut el klengar rekau e uchelel a beches el klengar el oltirakl er a Jesus Kristo.



Ngera Uchul Meng Kirek el mo Nguu a Chedaol Reng?

Ma techolb e chelid a mo omekbeches er kau ra nkgtim, ea Chedaol Reng a mo, mengikiid, er kau. Alsekum ke melemono el oltirakl a telbiil er a techolb, eng sebechel Chedaol Reng el mo blechoel lobengkem. A rokui el ungil chad a sebecherir el melchesuar a Chedaol Reng, engdi tirkel mla metecholb e nguu a Chedaol Reng a ngarngii a llemeltir el mo blechoel obang Chedaol Reng ra klengar er tir.

Ea Chedaol Reng a sebechel mo olisechakl e omekrael er kau. “A Ongelaod, el ngii a Chedaol Reng, el Chedam a mo odureklii loak a ngklek, a mo olisechakl er kau ra rokui, e omeklatk er a kau ra rokui, er aikel tekoi el blak dung er kau.”

Johanes 14:26

A Chedaol Reng a ngosukau el mes e mo medengeli a klemerang. Ng melisiich a tekoi ra reng e omeskid a ungil uldasu. Ng mengelaod er kau ra taem ra ringel e omekrael er kau ra omolatk el mo meruul. Ng sebechem el melchesuar ra beltik el reng ra Dios ma klisichel ra bek el sils el okiu Chedaol Reng.

A rullau el mo sebechem el ousbech er tial sengk a di mo ngar kau el mo oltirak a llechul a Dios. A Chedaol Reng a diak el sebechel meketeket el obengterir tirkel diak el oltirakl a osisecheklel a Dios. Ng mo diak el sebechir el nguu

omekrael ma omekellomes er a Chedaol Reng. Bo blechoel el melasem el mo klikiid me bol sebechel lobengkem el omekrael er kau Chedaol Reng.

Ke nguu a Chedaol Reng er a uriur ra techolb e chelid. A ruoll el chokedongall el kmo **omengedaol**, el chimong malechub e te betok el oba ngerachel el urekodel ra priesthood a mo ngmai chimorir el mo ra bebul a btelum. Te mo oterkeklaul el chad ra Ikelesia e chemedolau el mo nguu a Chedaol Reng. Tial ruoll a blechoel mekedmokl er sel temel a ikelesia el di okiuelel a techolb e chelid. Sel bla metecholb e bla moterkokl, e kau a mla mo chad er a Ikelesia er a Jesus Kristo er a Uriul-kebesei el Santo.

*A tekoi el llechukl ra bekerekard a ulecholt a belkul ra llel a babier 18 ma 19.

A Chedaol Reng a de nguu lokiu omor er a chim.





Sakrament

A uriul ra ometecholb, eng sebechem el omekbeches a telbiilem ra techolb ra bek el sandei sel omelai er a sakrament. Sel temel omelai el sakrament, ea blauang ma raml a mechedaol e mora re bek el chad el uleklatk el kirel a Tngakireng er a Jesus Kristo. Tial blauang a olechotel a Bedengel, ea ralm a olechotel a Rsechel. Me sel momekbeches a telbilem ra techolb, e kenguu a iaksok el mo obang a Reng, malechub eng Chedaol Reng, el blechoel di obengkem.

A sakrament a ngosukau el melbedebek el oba omereng el saul el kirel a klengar, osisechakl, ma Tngakireng ra Jesus Kristo.

*A teкои el llechukl ra bekerekard a ulecholt a belkul ra llel a babier 18 ma 19.

OUTEKANGEL EL MO ER A ULEBONGEL

Ke mo chad ra Ikelesia ra Jesus Kristo ra Uriul-klebesei el Santo lokiu a klaumerang er kau ra Jesus Kristo, ouuchel reng, ma ruoll ra techolb e chelid ma omengedaol. A uriul er a bocha member er a Ikelesia, e kau a melemolem el merael mo klou a klemedengei er kau. E kau a melemolem el ngara klaumerang er a Jesus Kristo, mo ouuchel, e omekbeches a telbilem ra techolb lokiu a omelai el sakrament, e oltirakl ra Chedaol Reng. A kot el osisechakl ma ruoll ra evangelio a teletael el bo moltirakl er a klengar er kau. Aikal bla dekengei el mo meruul a domekedong er ngii el kmo “outekangel el mo er a ulebongel.”

A outekangel el mo er a ulebongel a chochotii a roled, meskid a budech, ma deureng ra klengar. Ke mo melchesuar a deureng sel omolasem el mo ua Jesus Kristo ra omesiungem ma ngelseuim el mo er tirkel ngar bita er kau. Ke mo ungil medengeliu a deleuill er kau ma Demam ra Babeluades e mo melchesuar a cherrungel beltikereng er Ngii el mo er kau. Ke mo melchesuar a urungulem ma moktek er kau er tial blechoel meringel beluulechad.

Aebangkelio er a Jesus

Kristo a rael ra klengar.

*“Misei a uchul eng kiriu el loutekangel
di merael moruchei el mla tibir a rengum
el kirel a Kristo, e bleketakl ongilem, me
a beltikerreng el mo er a rokui el chad.*

*Malsekum e ko moutekangel merael
mo ruchei el di urrekodel er a tekingel a
Kristo, e outkangel mo er a ulebongel,
ea Edam a dilung el kmo: ko mo nguu
a diak a ulebengelel klengar.”*

2 Nephi 31:20



AK MEKERANG E MO MEDENGEI?

A ebangelio era Jesus Kristo a mla moluut lokuu ocholt el mla ra Dios el mo ra Profet Joseph Smith ma rebebil er a reprofet.

Ng sebechem el di kau el momede- ngei el kmo aikal tekoi a klemerang a omoker er a Demam er a Babeluades el okiu a nglunguuch. Ng mo onger re kau lokuu Chedaol Reng, e tia dirrek el okedongall el kmo Reng ra Dios. A Chedaol Reng a sioning, e olecholt a klemerang, ra Edam er a Babeluades ma Jesus Kristo. A Chedaol Reng oterkeklii a klemerang lokuu a bo domelchesui, uldasou, ma tekoi el ngara rengud. Aikel domelchesiu el ngara Chedaol Reng a mesisiich, eng di ng blechoel el medemedemek e chelle- lakl. El di ua ikel mla mosischakl ngara Bibilia, “Ngdi Reng a omuchel el beltikerreng, ma deureng, ma budech, ma kello- urreng, ma blekokuiirreng, ma ungilreng, ma blakerreng, ma delemedemekerreng, [ma] ulserechakreng” (Galatia 5:22–23).

Aikal molechesuar a mla moterkokl ra Chedaol Reng el kmo aikal klumech a klemerang. Seikid eng mla mo kirem el melit el kmo ke kiei loltirakl er a ebangelio er a Jesus Kristo el mla moluut lokuu a Joseph Smith.

Ak Mekerang a Kululuuch?

- *Mekedongii a Demam ra Babeluades.*
- *Mocholt a ngara rengum (mereng a saul, kerim, ongtim el meketeklii a klemerang er a Babier ra Mormon ma osisecheklir a remisionari).*
- *Mengesimer (“El ngara ngklel a Jesus Kristo, amen”).*

BELDUKL EL TEKOI

Chedaol ruoll Chedaol teletael, el mekedmokl lokiu a ngerachel er a priesthood. El uaia techolb e chelid, ngeiul a Chedaol Reng, me a sakrament. A chedaol a blechoel mekedmokl lokiu a mesisiich el telbiil lobengkel a Dios.

Kerasia Chedaol ngesou ma klisiich el dengai el okiu a klechubechub ma beltik el reng ra Jesus Kristo. Ngokiu a kerasia er Ngii, el Tngakireng er Ngii a uchul, ea rokui el chad a mo mekiis er a kodall. Ngokiu a kerasia er Ngii, e tirkel melemolem el ouchel e oltirakl ra ebangelio er Ngii a sebecherir el mo kmeed er a Demerir ra Babeluades er chelechal klengar e mo kiei er a Rengedel ruriul er tial klengar.

Mo suobel Ngebetel a klengit ma kodall. A mo suobel a sebechel mekedmokl el Tngakireng er a Jesus Kristo uchul. Me ngokiu a Kiis ra Kodall er a Jesus Kristo, ea rokui el chad a mo mekiis er a kodall. Ng dirrek el sebeched el mo suobel er aikel dilubech eleng kngtid a uchul lokiu a klaumerang er a Jeus Kristo. Tial klaumerang a mocholt el okiu a klengar er a ouuchel reng ma oltirakl a llach ma ruoll er a ebangelio ma omesiou el mora Kristo.

Omengedaol Rael el chad a okiu ngii e nguu a Chedaol Reng. Me ngokiu tial ruoll, el blechoel ngarnгии er sel temel a sakrament miting ra uriul ra techolb e chelid, ea chad a mo moterkokl, malechub eng meruul, el mo chad er a Ikelesia er a Uriul-klebesei el Santo

Sakrament Ng ruoll el omeklatk er a chad ra Ikelesia er a Tngakireng er a Jesus Kristo. Me sel dolai ra sakrament, e kede omekbeches a telbiil el de riruul er a de nguu a techolb e chelid. A blauang ma ralm a mechedaol e mora rechad el ngara ikelesia. A blauang a okesiul a bedengel a Jesus Kristo, ea ralm a okesiul a rsechel. Tial ruoll a ngarnгии ra bek el sandei ra ikelesia el domekedong er ngii el sakrament miting.

Techolb e chelid A klou a ultutelel bakes el kirel a klausubes ra klengit. Me ngokiu a techolb e chelid ma omengedaol ra oba deruchall ra priesthood, e kede mo chad er a Ikelesia er a Uriul-klébesei el Santo. Techolb e chelid el mo modulb, a belkul a kmo a chad el mo metecholb a mo modulb ra ralm el di telkib el taem. Techolb e chelid a chocotii a klemeriar reng er kid el mo oltirakl ra okesiul a Kristo e mo meruul a telbiil lobengkel a Dios.

Telbiil Telbiil er a delongelel a Dios me a Rengelekel. A Dios a meskid a telengtengil tial telbiil, e kid a kongei el mo oltirakl er Ngii. A Dios a iaksok a klengeltengat el kired a dolngesenges.

Tngakireng Teletael el rullid el mo sumecheklii a deleuill er kid me a Dios. A melngakireng a belkul a kmo kede mo er a ringel el kirel a kelesengel a klengit, el ngii a choroid a telmellel a klengit er tirkel mo ouuchel a rengrir. A Jesus Kristo a di mle chimong el chad el sebechel kudmeklii a cherrungel el Tngakireng el kirir a rokui el chad. A Tngakireng er Ngii a uldimukl er ngii a mo chuarm el kirel a kngtid, me a Rsechel el milchubel, me a Kodellel me a Okiis er a kodall. Ngokiu a Tngakireng, ea rokui el chad el mla kiei a mo mekiis er a kodall. A Tngakireng a dirrek el meskid techall el mo mousubes er a kngtid e mo kiei el mora ulebongel lobengkel a Dios.

DECHELEL OMESUUB

Aikakid el ker me a bade ser a chedaol llechukl a ngosukau el muut el sub a betok el kirel a osisechakl el ngar tia el babier e mo sebechem el melbedebek. Aikal beldukl el tekoï a diak el uldekial rokui; a footnote ma cross-refrence ra chedaol llechukl a ngosukau ra lmuut el bebil er a bades me a ngesou.

Ngera ebangkelio er a Jesus Kristo?

3 Nephi 27:13–22 (Babier ra Mormom, pages 459–60)

Ngera belkul sel ngarngii a klaumerang er kid?

Ng me kera klaumerang e smisichau?

Hebru 11:1, 6 (Bibilia, Beches el Renged)

Alma 32:21, 26–28 (Babier ra Mormom, pages 289–90)

Ether 12:6 (Babier ra Mormom, page 509)

Ngera belkul sel de bo douuchel?

Ngera uchul ma rechad a kirir el mo ouuchel?

Lukas 15:3–10 (Bibilia, Beches el Renged)

Rellir a re Apostol 3:19 (Bibilia, Beches el Renged)

Alma 12:33–34 (Babier er a Mormom, page 240)

Ngera uchul ma rechad a kirir el mo metecholb?

Rellir a re Apostol 2:38 (Bibilia, Beches el Renged)

2 Nephi 31–32 (Babier er a Mormon, pages 112–16)

Ngera Chedaol Reng?

Ng mekerang Chedaol Reng e meskau a klengeltengat.

2 Nephi 32:5 (Babier ra Mormon, page 115)

3 Nephi 27:20 (Babier er a Mormon, page 459)

Ngera moktek er a sakrament?

3 Nephi 18:1–12 (Babier er a Mormon, page 442)

Moroni 4–5 (Babier ra Mormon, pages 519–20)

Ngera belkul a outekangel el mo er a ulebongel?

2 Nephi 31:15–20 (Babier er a Mormon, page 114)

3 Nephi 15:9 (Babier er a Mormon, page 437)

MO NGAR OMENGULL EL OBENGKEMAM

MEI E MESA EL KMO NG MEKERA A MLA MOLUUT
EL EBANGKELIO A LE BESKAU A KLENGELTENGAT



A sacrament miting a kot el klou a ultutelel ongdibel er a ikelesia. Ng blechoel el chengelakl er a tal sikang a temel e uldimukl er ngii aikakid:

Chelitakl: A longitakl a rechad er a ikelesia. (Ngarngii a hong er a chelitakl.)

Nglunguuch: A bo el beskid a chad ra Ikelesia.

Sakrament: A blauang ma ralm a mechedaol e merous el mor tial ongdibel el kirel omelbedebek ra Tngakireng er a Jesus Kristo.

Remengedecheduch: Ng blechoel tang malechub ete terung el chad ra ikelesia a mo mengedecheduch el kirel a suobel me a osisechakl er a ebangkelio.

Bail: A remeklou me a mekekerei el sechal oubail a ungil subong ma chelchedal a bail e ou nektai. A remeklou ma remekerei el redil a oubail a dores malechub eng saiang. A tenget a diak el lolai er a temel a ikelesia.

A ki dirrek el mengemedaol er kau el mo er a ikel bebil er a miting, loku sel soam e obengterir a rechad el mtelbasech. A teletelel aikal miting a sebechel kakerous.

Sandei Skuul: Ng blil omesubel chedaol llechukl me a osisechakl el ngara ebangkelio.

Miting er a priesthood: Klas er a remklou el chad me a rebuik el teruich me a erung el mor bab a rekrir.

Relief Society: Klas er a remeklou el redil el teruich me a eai a rekrir el mor bab.

Ngeasek el Redil: Klas er a rekebil el teruich me a erung el mora teruich me a eai a rekrir.


Primary: Chelechad er a rolngeseu er a rengalek el rekrir a edei el mora teruichme a tang. A nursery a mora rengalk el teruich me a eai el buil el mora edei a rekrir.



Temel a sakrament miting: _____

Basio ra Ikelesia: _____

Ak Mekerang?



- Monguiiu er a Babier er a Mormon.

Bebil er a sebechem el menguiiu: _____

- Meluluuch el mo medengei el kmo a Jesus Kristo a Osobelem.
- Mo ouuchel a rengum e meluluuch el olengit a klausubes el kirel a kngtim. Mo blak a rengum el kiei el oltirakl a llechul a Dios.
- Mo er a ikelesia.
- Mo kldmokl el kirel a techolb e chelid er a _____
- Mo omes er a www.mormon.org e lmuut el mesuub a betok el kirel a mla moluut el ebangelio er a Jesus Kristo.
- Melemolem el mesuub el obengterir a remisionari aikel klemerang el Dios a mla oluut el okiu a reprofet er chelechal taem.

Belsechel sel mei el ongdibel: _____

Ngklir ma dengua er a remisionari:

IKELESIA ERA
JESUS KRISTO
ER A URIUL-KLEBESI
EL SANTO

www.mormon.org

Tirke el Milluches a Zunga

Ngar medal: Mengai er a *Madedok ra Klengar*, mia er a Simon Dewey © Simon Dewey. Diak molai a llechekei

Liel a babier 2: Mengai er a *Osisochaki el ngara rois*, mia er a Carl Heinrich Bloch. Ousbech lokiu a kengei er

a National Historic Museum ra Frederiksborg el ngara Hillerød, Danmark.

Liel a babier 5: *Kristo el Olakits er a Ngelekel a Jairus el Radil*, mia er a Greg K. Olsen. © Greg K. Olsen

Liel a babier 6: *A Medemdermek el Omekungil*, mia er a Greg K. Olsen. © Conceptions Unlimited Investments,

Inc. Ng diak molai a llechekei.

Liel a babier 9: *Johanes el Techolb el Melecholb er a Jesus*, mia er a Greg K. Olsen © Greg K. Olsen.

Diak molai ra llechekei

© 2012 lokiu a Intellectual Reserve, Inc. Urrekodel a rokui el kiislich. Milluches er a USA.

Kengei er a English: 7/08. Kengei er a oidel: 7/08. Oidel a *The Gospel of Jesus Christ*.

Palauan. 01142 881

PALAUAN



4 0201142881 9

01142 881